

解兮思蹇產而不釋

悲回風

遠遊傳

區湖蕭雲從尺木甫較

遠遊者屈原之所作也屈原履方直之行不容於世上為讒  
佞所譖毀下為俗人所困極章皇山澤無所告訴乃深惟元  
一修執恬漠思欲濟世則意中憤然文采秀發遂敘妙思託  
配仙人與俱遊戲周歷天地無所不到然猶懷念楚國思慕  
舊故忠信之篤仁義之厚也是以君子珍重其志而瑋其辭  
焉

悲時俗之迫阨兮願輕舉而遠遊質菲薄而無因兮焉託乘二而



上得遊沈濁而汙穢兮獨鬱結其誰語夜炯炯而不寐兮魂營  
營而生曙惟天地之無窮兮哀人生之長勤往者余弗及兮來  
者吾不聞步徙倚而遙思兮怊惝恍而永懷意荒忽而流蕩兮  
心愁悽而增悲神儻忽而不返兮形枯槁而獨留內惟省以端  
操兮求正氣之所由漠虛靜以恬愉兮澹無爲而自得聞赤松  
之清塵兮願承風乎遺則貴真人之休德兮羨往世之登仙與  
化去而不見兮名聲著而日延奇傳說之託辰星兮羨韓衆之  
一形穆穆以浸遠兮離人羣而適逸因氣變而遂曾舉兮忽  
以轉而見怪時髣髴以遙見兮精皎皎以往來絕氛埃而淑尤

兮終不反其故都免衆患而不懼兮世莫知其所如恐天將之  
代序兮耀靈暈而西征微霜降而下淪兮悼芳草之先霽聊仿  
伴而適適兮永歷年而無成誰可與玩斯遺芳兮晨鄉向而舒  
情高陽邈以遠兮余將焉所程重曰春秋忽其不淹兮奚久留  
此故居軒轅不可攀援兮吾將從王喬而娛戲餐六氣而飲沆  
瀣兮漱正陽而含朝霞保神明之清澄兮精氣入而麤穢除順  
凱風以從遊兮至南巢而壹息見王子而宿之兮審壹氣之和  
德曰道可受兮不可傳其小無內兮其大無垠無涸滑而竟兮  
彼將自然壹氣孔神兮於中夜存虛以待之兮無爲之先庶類



以成兮此德之門聞至貴而遂祖兮忽乎吾將行仍羽人於丹  
丘兮留不死之舊鄉朝濯髮於湯谷兮夕晞余身兮九陽吸飛  
泉之微液兮懷琬琰之華英玉色頰以腕顏兮精醇粹而始壯  
質銷鑠以灼約兮神要眇以淫放嘉南州之炎德兮麗桂樹之  
冬榮山蕭條而無獸兮野寂寞乎無人載營魄而登霞兮掩浮  
雲而上征命天關其開關兮排閭闔而望予召豐隆使先導兮  
問太微之所居集重陽入帝宮兮造旬始而觀清都朝發軔於  
太儀兮夕始臨乎微於閭屯余車之萬乘兮紛谷與而並馳駕  
八龍之婉婉兮載雲旗之透蛇建雄虹之采旄兮五色雜而炫

耀服偃蹇以低昂兮驂連卷以翳騫翳膠葛以雜亂兮玼漫衍  
而方行撰余轡而正策兮吾將過乎鈎芒歷太皓以右轉兮前  
飛廉以啓路陽杲杲其未光兮凌天地以徑度風伯爲余先驅  
兮辟氛埃而清涼鳳凰翼其承旂兮遇羣收乎西皇擊彗星以  
爲旂兮舉斗柄以爲麾叛陸離其上下兮遊鸞霧之流波昔掩  
矚其曠莽兮召玄武而奔屬後文昌使掌行兮選署衆神以並  
轡路曼曼其悠遠兮徐弭節而高厲左雨師使徑侍兮右雷公  
以爲衛欲遠度世以忘歸兮意恣睢以坦橋內欣欣而自美兮  
聊娯娛以自樂涉青雲以汎濫游兮忽臨睨夫舊鄉僕夫懷余



心悲兮邊馬顧而不行思舊故以想像兮長太息而掩涕汜容  
與而遐舉兮聊抑志而自弭指炎神而直馳兮吾將往乎南疑  
覽方外之荒忽兮沛罔象而自浮祝融戒而蹕御兮騰告鸞鳥  
迎宓妃張樂咸池秦承雲兮二女御九韶歌使湘靈鼓瑟兮令  
海若舞馮夷玄螭蟲象竝出進兮形鱗虬而透迤雌蜺使蜺以  
增撓兮鸞鳥軒翥而翔飛音樂博行無終極兮焉乃逝以徘徊  
舒并節以馳騫兮連絕垠乎寒門軼迅風於清源兮從顛頂乎  
增冰歷玄冥以邪徑兮乘間維以反顧召黔羸而見之兮為余  
先乎平路經營四荒兮周流六漠上至列缺兮降望大壑下淨

噪而無地兮上寥廓而無天視儻忽而無見兮聽惝怳而無聞  
迢無為以至清兮與泰初而為鄰